

اتوار 24 دسمبر، 2023

مضمون۔ مسیح یسوع

سنہری متن: افسیوں 1 باب 2 آیت

”ساڈے پیورب تے خداوند یسوع مسیح ولوں تہانوں فضل تے اطمینان حاصل ہندار ہووے۔“

جوابی پڑھائی: افسیوں 3 باب 14 توں 21 آیتاں

14- ایس پاروں میں پیودے اگے گوڈھے ٹیکداواں۔

15- جنھے اسمان تے دھرتی دے ہر خانوادے دانناں رکھیا۔

16- پئی اوہ اپنے جلال دی دولت دے مطابق تہانوں ایہہ عنایت کرے پئی تسی اوہدے روح نال اپنی بدنی انسانیت وچ بوہت ای زور والے بن جاؤ۔

17- تے ایمان پاروں مسیح تہاڈے دلاں وچ سکونت کرے تاں جو تسی پیار وچ جڑ پھڑکے تے نیوں قائم کر کے۔

18- سارے مقدساں سمیت چنگی طراں پتا کر سکو پئی اوہدی چوڑائی تے لمبائی تے اچھائی تے ڈونگیائی کنی اے۔

19- تے مسیح دے اوس پیارنوں جان سکو جیہڑا جانن توں باہر اے تاں جو تسی رب دی ساری معموری نال بھر جاؤ۔

20۔ ہن جیہڑا جیہا قادر اے پئی اوس قدرت دے مطابق جیہڑی ساڈے وچ تاثیر کردی اے ساڈی درخواست تے خیال نالوں بوہتا کم کر سکدا اے۔

21۔ کلیسیا وچ تے مسیح یسوع وچ پیڑی توں پیڑی تے ہمیشہ تیکر اوہدی وڈیائی ہندی رہوے۔

درسی وعظ

بائبل وچوں

1۔ لوقا 1:26، 8 (توں:)، 31، 35، 37 آیات

26۔ چھیویں مہینے وچ جبرائیل فرشتہ رب ولوں گلیل دے اک شہر وچ جیدا نال ناصرت سی اک کنواری دے کول گھلایا گیا۔

27۔ جیدی منگنی داؤد دے خانوادے دے اک بندے یوسف نال ہوئی سی تے اوس کنواری داناں مریم سی۔

28۔ تے فرشتے نے اوہدے کول اندر آکے آکھیا سلام تینوں جیدے اُتے فضل ہو یا اے! خداوند تیرے نال اے۔

31۔ تے ویکھ توں حاملہ ہونویں گی تے تیرے پتر ہووے گا۔ توں اوہداناں یسوع رکھیں۔

32۔ اوہ بزرگ ہووے گا تے رب تعالیٰ داپتر اکھوائے گا تے خداوند رب اوہدے پیو داؤد تخت اوہنوں دیوے گا۔

33۔ تے اوہ یعقوب دے خانوادے اُتے ہمیشہ تیکر بادشاہی کرے گا تے اوہدی بادشاہی دا اخیر نہ ہووے گا۔

- 34- مریم نے فرشتے نوں آکھیا پئی ایہہ کیوں ہووے گا جد کہ میں کسے مرد نوں ننیں جان دی؟
- 35- تے فرشتے نے جواب وچ اوہنوں آکھیا پئی پاک روح تیرے اُتے نازل ہووے گا تے رب تعالیٰ دی قدرت تیرے اُتے سایہ کرے گی تے ایس پاروں اوہ مولودِ مقدس رب دا پتر اکھوائے گا۔
- 37- کیوں جے جیہڑا قول رب ولوں اے اوہ بالکل بے تاثیر نہ ہووے گا۔

2- لوقا 2 باب 1، 3 توں 11، 40 آیتاں

- 1- اوہناں دناں وچ ائیخ ہوئی پئی قیصر اگستس ولوں ایہہ حکم جاری ہوئی پئی سارے جگ دے لوکاں دے نال لکھے جان۔
- 3- تے سارے لوکی نال لکھوان لئی اپنے اپنے شہر نوں گئے۔
- 4- ایس لئی یوسف وی گلیل دے شہر ناصرت توں داؤد دے شہر بیت لحم نوں گیا جیہڑا یہودیہ وچ اے۔ ایس لئی پئی اور داؤد دے گھرانے تے اولاد وچوں سی۔
- 5- تاں جو اپنی منگ مریم دے نال جیہڑی حاملہ سی نال لکھواوے۔
- 6- جد اوہ اوتھے سی تے ائیخ ہوئی پئی اوہدے حمل دا ویلہ آگیا۔
- 7- تے اوہدا پلو ٹھاپتر پیدا ہوئی تے اوہنے اوہنوں کپڑے وچ لویٹ کے چرنی وچ رکھیا کیوں جے اوہناں لئی سرائے وچ تھاں ننیں سی۔
- 8- ایسے علاقے وچ چرواہے سی جیہڑے رات نوں میدان وچ رہ کے اپنے گلے دی راکھی کر رہے سی۔
- 9- تے خداوند افرشتہ اوہناں دے کول آ کے کھلو گیا تے خداوند اجدلال اوہناں دے آلے دوالے چمکیا تے اوہ بوہت ڈر گئے۔

10- پرفرشتے نے اوہناں نوں آکھیا پئی ڈرونہ کیوں جے ویکھو میں تہانوں اک بڑا خوشی داسنیاں دیناواں جیہڑا ساری امت لئی ہووے گا۔

11- پئی اج داؤد دے شہر وچ تہاڈے لئی اک منجی جیہا اے یعنی مسیح خداوند۔

3- یوحنا 2 باب 1 توں 11 آیتاں

1- فیر تیجے دن قانائے گلیل وچ ویاہ ہوئی تے یسوع دی ماں او تھے سی۔

2- تے یسوع تے اوہدے چیلیاں دی وی اوس ویاہ وچ دعوت سی۔

3- تے جدے مک گئی تے یسوع دی ماں نے اوہنوں آکھیا پئی اوہناں دے کول مے نئیں رہئی۔

4- یسوع نے اوہنوں آکھیا اے عورت مینوں تیرے نال کیہ کم اے؟ ہلے میرا ویلہ نئیں آیا۔

5- اوہدی ماں نے نوکراں نوں آکھیا جو کجھ ایہہ تہانوں آکھے اوہ کرو۔

6- او تھے یہودیوں دی طہارت دی رسم دے مطابق پتھر دے چھ مٹکے رکھے سی تے اوہناں وچ دو دو تن تن من دی گنجائش سی۔

7- یسوع نے اوہناں نوں آکھیا مٹکیاں وچ پانی بھر دیو۔ ایس لئی اوہناں نے اوہناں نوں کناں تیکر بھر دتا۔

8- فیر اوہنے آکھیا ہن کڈھ کے میرے مجلس دے کول لے جاؤ۔ ایس لئی اوہ لے گئے۔

9- جد میرے مجلس نے اوہ پانی چکھیا جیہڑا مے بن گیا سی تے جان دانئیں سی پئی ایہہ کتھوں آئی اے (پرنو کر جنماں نے پانی بھریا سی جان دے سی) تے میرے مجلس نے لاڑے نوں بلا کے اوہنوں آکھیا۔

10- ہر بندہ پہلاں چنگی مے پیش کر دا اے تے ماڑی بعد وچ جدوں پی کے چھک گئے پرتوں چنگی مے ہن تیکر رکھ جھڈی اے۔

11- ایہہ پہلا معجزہ یسوع نے قانائے گلیل وچ دکھا کے اپنا جلال ظاہر کیتا تے اوہدے چیلے اوہدے اُتے ایمان لیاے۔

4- یوحنا 9 باب 1 توں 7 آیتاں

- 1- فیر اوہنے جان دیاں ہوئے اک بندے نوں دیکھیا جیہڑا جماندروا نھاسی۔
- 2- تے اوہدے چیلیاں نے اوہدے توں پچھیا اے ربی! کنسے پاپ کیتا سی جیہڑا ایہہ اٹھیا جمیا۔ ایہنے یا ایہدے ماں پوئے؟
- 3- یسوع نے جواب دتا پئی نہ ایہنے پاپ کیتا سی نہ ایہدے ماں پوئے ایہہ ایس لئی ہوئی پئی رب دے کم اوہدے وچ ظاہر ہون۔
- 4- جنسے مینوں گھلایا اے ساہنوں اوہدے کم دن دن وچ ای کرنے ضروری نیں۔ اوہ رات آؤن والی اے جیدے وچ کوئی بندہ کم نہیں کر سگدا۔
- 5- جد تیکر میں جگ وچ جگ دی لو آں۔
- 6- ایہہ آکھ کے اوہنے دھرتی اُتے تھلیا تے تھک نال مٹی گلی کیتی تے مٹی انھے دیاں اکھیاں اُتے لاکے
- 7- اوہنوں آکھیا جاشیلوخ (جید اتر جمہ ”گھلیا ہوئی“ اے) دے حوض وچ دھولے۔ فیر اوہنے جا کے دھوتاتے اوہ سجا کھاہو کے پرتیا۔

5- فلپیوں 2 باب 1، 2، 5 توں 11 آیتاں

- 1- ایس لئی بے کجھ تسلی مسیح وچ تے پیار دی دلجمعی تے روح دی شراکت تے رحم دلی تے درد مندی اے۔
- 2- تے میری ایہہ خوشی پوری کرو پئی اک دل رہو۔ اک دو بے نال بیمار رکھو۔ اک جان ہو۔ اک ای خیال رکھو۔
- 5- اونج دا ای مزاج رکھو جیویں مسیح داسی۔
- 6- بھانویں اوہ رب دی صورت اُتے سی فیروی اوہنے رب دے برابر ہوون نوں قبضے وچ رکھن والی شے نئیں سمجھیا۔
- 7- بلکہ اپنے آپ نوں خالی کردتا تے خادم دی شکل لے لئی تے انساناں ورگا ہو گیا۔
- 8- تے انسانی شکل وچ ظاہر ہو کے اپنے آپ نوں نیواں کر لیا تے ایہتھے تیکر فرمانبردار رہیا پئی موت بلکہ سولی والی موت وی سہ لئی۔
- 9- ایسے لئی رب نے وی اوہنوں اُچیاں کیتا تے اوہنوں اوہناں دتا جیہڑا ساریاں نانواں توں اُچا اے۔
- 10- تاں جو یسوع دے ناں اُتے ہر اک گوڈا جھلے۔ بھانویں اسمان والیاں دا ہووے بھانویں دھرتی والیاں دا۔ بھانویں اوہناں دا جیہڑے دھرتی دے بیٹھاں نیں۔
- 11- تے رب باپ دے جلال لئی ہر اک زبان اقرار کرے پئی یسوع مسیح خدا وندا اے۔

سائنس تے صحت

1- 12:3:18

یسوع ناصری نے انسان تے انسان دے اکٹھ نوں بیان کیتا، تے ایہدے لئی ساڈے اُتے اوہدی بوہت زیادہ عقیدت دا بھار اے۔ اوہدا مشن انفرادی تے اجتماعی دونویں سی۔ اوہنے حیاتی دا مناسب کم پورا کیتا نہ صرف اپنے انصاف لئی بلکہ

انساناں اُتے رحم دے پاروں اوہناں نوں ایہہ دکھان لئی پئی اوہناں نے اپنا کم کینویں کرنا، بلکہ نہ تے آپ اوہناں لئی کرن یا نہ ای اوہناں نوں کسے ذمہ داری توں آزاد کرن لئی ایہہ کیتا۔ یسوع نے جرأت نال حساں دے منے ہوئے ثبوت دے خلاف، منافقانہ عقیدیاں، مشتقاں دے خلاف کم کیتا، تے اوہنے اپنی شفا دین والی طاقت دے راہیں اپنے سارے مخالفان دی تردید کیتی۔

25-32:29 -2

یسوع مریم دی خود آگاہی داپتر سی جیہڑی رب دے نال شریک سی۔ ایس لئی اوہ کسے دو جے بندے دی نسبت حیاتی دے بارے بوہتا روحانی خیال پیش کر سکدا اے، تے پیار، اپنے پیویا لہی اصول دی سائنس نوں ظاہر کر سکدا اے۔

عورت توں جم کے، یسوع دی بدن وچ آمد نے مریم دی زمینی حالت وچ جزوی طور تے حصہ لیا، بھانویں اوہنوں مسیح، بغیر کسے دی شراکت، الہی روح، داناں دتا گیا سی۔ ایہہ لیہدے اندر کتسمنی وچ تے کلوری اُتے اوہدی کوشش نوں شامل کر دا اے، تے ایہنے ای اوہنوں رب تے انساناں دے وچالے، اک درمیانی، یاراہ دکھان والا بن دے قابل بنایا۔ جے اوہدا اصل تے پیدائش پورے طور تے فانی استعمال دے اُلٹ ہندی، تے یسوع نوں ”راہ“ دے طور تے فانی سیان ولوں حوصلہ افزائی نہ ملدی۔

ربی تے کاہن موسیٰ دی شریعت دی تعلیم دیندے سی جیہڑی آکھدی اے: ”اکھ دے بدلے اکھ“، تے ”جیہڑا بندے دا خون کرے اوہدا خون وی بندے توں ای ہووے گا۔“ یسوع نے پنج نئیں کیتا جیہڑا رب لئی عمل کرن والا نوں بندہ سی، اوہنے محبت دی الہی شریعت پیش کیتی جیہڑی اپنے اُتے لعنت کرن والیاں لئی وی برکت چاؤندی اے۔

سچیائی دے انفرادی نمونے دے طور تے، یسوع مسیح ربونی غلطی تے سارے پاپ، بیماری تے موت نوں رد کرن آیا، تاں جو سچیائی تے حیاتی دی راہ ہموار کرے۔ روح دے پھلاں تے مادی فہم، سچیائی تے غلطی دے وچکار فرق نوں واضح کر دیاں ہوئے، ایہہ نمونہ یسوع دی پوری زمینی حیاتی دے دوران ظاہر ہندارہیا۔

3 4-27:539

یسوع دی الہی پیدائش نے اوہنوں تخلیق دیاں حقیقتاں نوں وسیع کرن تے اوس واحد سیان نوں جیہڑا انسان تے کائنات نوں بناؤندا اے تے اوہدے اُتے حکمرانی کردا اے، ظاہر کرن لئی انسانی طاقت نالوں بوہتا عطا کیتا۔ تخلیق دی سائنس نے، جیہڑی یسوع دی پیدائش وچ بوہتی واضح سی، اوہدے بوہت سیانے تے گھٹ سمجھے جان والے قولوں نوں الہامی بنایا، تے ایہہ اوہدے حیران کرن والے اظہاراں دی نیوسی۔ مسیح روح دی اولاد اے، تے روحانی وجودیت واضح کر دی اے پئی روح پاپ، بیماری موت وچ مبتلا ہو کے، نہ تے اک بدکار تے نہ ای اک فانی انسان نوں پیدا کر دی اے۔

4 32-28:26

ساڈے مالک نے بس نظریے، عقیدے یا ایمان دی تعلیم نئیں دتی۔ ایہہ الہی اصول دی پوری ہستی سی جیدی اوہنے تعلیم دتی تے مشق وی کیتی۔ مسیحت لئی اوہدا ثبوت مذہب یا عبادت دا کوئی نظام یا شکل نئیں سی، بلکہ ایہہ کر سچن سائنس اے جیہڑی حیاتی تے پیار دی ہم آہنگی اُتے عمل کر دی اے۔

5 17-6:473

مسیح پاپ اُتے عقیدے نوں نیست کرن آیا۔ الہی اصول ہر تھاں تے موجود تے قادرِ مطلق اے۔ رب ہر تھاں تے موجود اے تے اوہدے توں وکھ کوئی موجود نہیں اے یا کوئی طاقت نہیں اے۔ مسیح اک مثالی سچائی اے، جیہڑی کر سچن سائنس دے پاروں بیماری تے پاپ توں شفا دین لئی آؤندی اے، تے ساری طاقت رب نوں منسوب کر دی اے۔ یسوع اوس بندے داناں اے جنہے، دو جے انساناں دی نسبت بوہتا، مسیح، یعنی رب دے اصلی خیال نوں، پیش کیتا جیہڑا بیمار تے پاپی نوں شفا دیندے موت دی طاقت نوں نیست کردا اے۔ یسوع انسانی بندہ اے، تے مسیح الہی خیال اے؛ ایس لئی اوہ یسوع مسیح دا اکھ اے۔

6- 27-19:51

اوہدا کامل نمونہ ساڈے ساریاں دی مکتی لئی سی، پر صرف اوہ کم کرن دے راہیں جیہڑے اوہنے کیتے تے دو جیاں نوں اوہناں دی تعلیم دتی۔ شفا لئی اوہدا مقصد بس صحت دینا نہیں سی بلکہ اپنا الہی اصول ظاہر کرنا وی سی۔ جو کجھ اوہنے آکھیا تے کیتا اوہدے وچ اوہ رب توں، سچائی تے پیار توں متاثر سی۔ اوہنوں ستاؤن والیاں دے مقصد غرور، حسد، ظلم تے بدلہ سی جیہڑے بدنی یسوع اُتے لتھے، پر اوہناں دا نشانہ الہی اصول یعنی پیار سی، جنہے اوہناں دی شہوت پرستی نوں مندا آکھیا سی۔

7- 8-1:52

اوہ اپنی جوانی دے شروع توں ای ”پیودے کم“ وچ پئے گیا سی۔ اوہدے شغل دو جیاں نالوں بوہت وکھرے سی۔ اوہدا مالک روح سی؛ جد کہ دو جیاں دا مالک مادا سی۔ اوہ رب دی سیوا کردا؛ اوہ لالچ دی سیوا کردے۔ اوہدے جذبے

پاک سن: اوہناں دے بدنی سی۔ اوہدیاں حساں صحت، پاکیزگی، تے حیاتی دی روحانی گواہی وچ گواچیاں سی؛ اوہناں دیاں حساں الٹ گواہی دیندیاں نیں، تے پاپ، بیماری تے موت دی مادی گواہی وچ گواچیاں رہندیاں نیں۔

8- 7-31، 28-25:40

ساڈا اسمانی پیو، الہی محبت، ایہہ مانگ رکھدا اے پئی ساہنوں ساڈے مالک تے اوہدے چیلیاں دے نمونے مگر ٹرناں چاہیدا اے تے بس اوہدی شخصیت دی عبادت نہیں کرنی چاہیدی۔

مسیحت دی فطرت امن پسند تے برکت والی اے، پر بادشاہی وچ وڑھن لئی، آس دالنگر اوس شکنینہ دے اندر مادے دے پردے توں اگے نٹننا ضروری اے جیدے وچوں یسوع ساڈے توں پہلاں لنگ چکیا اے، تے مادے توں اگے دی ایہہ ترقی راستباز دیاں خوشیاں تے فتح مندی تے ایہدے نال نال اوہدیاں تکلیفاں تے دکھاں دے نال آؤندی اے۔ ساڈے مالک وانگر ساہنوں وی مادی فہم توں ہستی دے روحانی فہم ول رخصت ہونا چاہیدا اے۔

9- 28-19:52

”دکھی بندہ“ مادی حیاتی تے ذہانت دے عدم نوں تے قادر جامع رب، چنگیائی دی قادر اصلیت نوں چنگی طراں سمجھدا اے۔ شفا سیہ سیان یا کر سچن سائنس دے ایہہ افضل نکلتے نیں جنہاں نے اوہنوں محبت نال لیس کیتا۔ رب دے اعلیٰ ترین نمائندے نے، الہی اصول دی عکاسی لئی انسانی قابلیت دے بارے گل کردیاں ہوئے، اپنے چیلیاں نوں پیشن گوئی دے طور تے نہ صرف اپنے دور بلکہ ہر دور لئی آکھیا: ”جیہڑا میرے اُتے ایمان رکھدا اے ایہہ کم جیہڑے میں کرداواں اوہ وی کرے گا؛“ تے ”ایمان لیاون والیاں دے وچالے ایہہ معجزے ہوون گے۔“

10- 26-21:55

وعدے پورے کیتے جان گے۔ الہی شفا دے دوبارہ ظاہر ہوون دا ویلہ ہر ویلہ ہندا اے؛ تے جو کوئی وی اپنا دھرتی
والا سب کجھ الہی سائنس دی الطار اُتے رکھدا اے، اوہ ہن مسیح دے پیالے وچوں پیندا اے، تے اوہ روح تے مسیحی شفا
دی طاقت نال ملبوس ہندا اے۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی
سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیارنوں ودھاوے،
تے اوہناں اُتے حکومت کرے۔

چرچ مینوٹیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس
وچ، بس الہی پیار ای حکومت کردا اے، تے اک مسیحی سائنسدان پاپنوں رد کردیاں ہوئے، سچی پراہ بندی، خیرات پسندی تے

بائبل دا ایہہ سبق پلین فیلڈ کرچن چرچ، آزاد ولوں تیار ہو یا۔ ایہہ کنگ جیمز بائبل دیاں آیتاں تے میری بیکرا ایڈی دی لکھی ہوئی کرچن سائنس دی درسی کتاب، ”سائنس تے صحت آجناں دی کنجی دے نال“ وچوں لیاں
ہوئیاں لازمی تحریراں نال بنیاں۔

معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکناں نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوٹیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔